

جنوب قوطیوندا قدیمی جنگل لر

تحقیق‌لر گۆرسه‌دیر کی تقریباً 15 میلیون ایل بوندان قاباق، سابقه‌سیز ایستی کئچیجی صورتده جنوب قوطیونا اثر قویدو. هاوانین بو حده قیزیشماسی جنوب قوطیون یاشیل سیماسینی دگیشدی.



جام جم آنلاین: تحقیق‌لر گۆرسه‌دیر کی تقریباً 15 میلیون ایل بوندان قاباق، سابقه‌سیز ایستی کئچیجی صورتده جنوب قوطیونا اثر قویدو. هاوانین بو حده قیزیشماسی جنوب قوطیون یاشیل سیماسینی دگیشدی.

جنوب قوطیونداکی بوز داغلاری تقریباً 34 میلیون ایل بوندان قاباق دوزلیبلر، آما یاواش یاواش هاوانین قیزیشماسی اینن بوگونکی نیوزلند و شیلی آدلانان یئرلر توندرا کیمی اولدولار. هاوانین قیزیشماسی جنوب قوطیوندا ساحیل و مخروطی آغاچلاری وجودا گتیردی. سارا فیاکینز بیر شیمی موتخصیصی‌دیر کی زمین شناسی‌نین موختلیف دۆره‌لرین وضعیتلرین تشریح ائله‌ماق اوچون شیمی علمیندن و اونون موختلیف حیوانلار و گیاهلار اوستونده‌کی تأثیریندن ایستیفاده ائلیر.

بو موحتیق جنوبی کالیفورنیا دانیشگاه‌ی‌نین تحقیق گروهونون رئیسی‌دیر کی اخیراً حیرت آمیز مدرکلر تاپیب. راس آدیندا مساحتی 187 مین کیلومتر موربعدن چوخ اولان بوز لایه‌سی‌نین قالیقلاریندان چوخ میقداردا یاغلی یارپاقلار تاپیلیب.

قالیقلار میوسن دۆره‌سینده، یعنی بیر دۆران کی هاوا نیسبتاً معتدیل ایدک، جنوب قوطیوندن خارج اولوب و نهایتده اوقیانوسا گئدیب. بو حادثه 15-20 میلیون ایل قاباق اولوب. پروفوسور فیاکینز دئییر کی بو یارپاقلارین اۆزلریندن علاوه کی جنوب قوطیو ساحیللرینده چوخلی گیاهلارین اولماسیندان خبر وئریر، بو قالیقلارین شیمیایی آنالیزی گۆرسه‌دیر کی او زمان هاوا، قاپاقدان گومان ائله‌دیغیمیزدان داها چوخ ایستی‌ایدی.

بو تحقیق‌لرین نتیجه‌سی گۆرسه‌دیر کی میوسن دۆره‌سینده هاوا ایندی‌نین میانگینیندن 11 درجه چوخیدی.

پروفوسور فیاکینز دئییر: بیز بیلیردیک کی میوسن دۆره‌سی ایستی بیر دۆره‌ایدی آما حیرت آمیزدیر کی ایندی بیلیریک بو قدر ایستیدی.

یاغلی یارپاقلار کئچمیشین هاوا وضعیتین گۆرسه‌دیرلر. بیر گیاه اۆلنده اونون چوخ قیسمت‌لری تجزیه اولار. آما اونون موم شکلینده اولان قیسمتی و توز دانالاری کی بوردا ایصطیلاً یاغلی بخشی دئییریک، آرادان گئتمیرلر و مختلیف قالیقلاردا تورا دوشورلر و مولکول فوسیلی کیمی قالیقلار.